



Presudom Suda BiH Šekarić pravomoćno osuđen na 17 godina

Pretresen stan supruge ratnog zločinca

Otkrila identitet zaštićene svjedokinje

**Od Branke Šekarić, supruge Dragana
Šekarića, izuzeti računar i drugi predmeti**

Postupajući po nalogu Tužilaštva BiH i uz naredbu Suda BiH, policijski službenici **SIPA jučer** su na području Sarajeva pretresli stan i prostorije koje koristi Branka Šekarić (1976).

- Ona je pod istragom zbog sumnje da je kao supruga Dragana Šekarića, zvanog Pive, optuženog i osuđenog za ratne zločine na području Višegrada, putem društvenih mreža, objavila identitet zaštićene svjedokinje u predmetu ratnog zločina, čime je prouzročila opasnost za život

i sigurnost svjedokinje i počinila krivično djelo otkrivanje identiteta zaštićenog svjedoka. Od osumnjičene će biti izuzet računar, kao i svi predmeti koji se mogu dovesti u vezu sa ovim krivičnim djelom, naveli su iz Tužilaštva BiH te podsjetili da je Dragan Šekarić pravomoćno osuđen na 17 godina zatvora zbog ratnih zločina na području Višegrada, a također, u drugom predmetu mu se sudi za učešće u otmici i ubistvu putnika iz voza na stanici Štrpci u februaru 1993. godine.